



REPUBLIKA E KOSOVËS / REPUBLIKA KOSOVA

GJYKATA THEMELORE FERIZAJ

---

Numri i lëndës: 2018:042383

Datë: 04.12.2019

Numri i dokumentit: 00693602

**P nr.1019/2018**

## NË EMËR TË POPULLIT

**GJYKATA THEMELORE NË FERIZAJ-Departamenti i Përgjithshëm-Divizioni Penal**, si gjykatë e shkallës së parë penale, dhe ate gjyqtari Elmaz Zenuni, me sekretaren juridike Igballe Arifi, në lëndën penale kundër të akuzuarit R.H nga fshati ... komuna e Ferizajt , për shkak të veprës penale vjedhja e pyllit nga neni 358 par.1 të KPRK-së, sipas aktakuzës së PTH-së në Ferizaj PP/II nr.1518-9/18 të datës 30.07.2018, pas mbajtjes së shqyrtimit fillestar gjyqsor me datën 03.12.2019, në prezencën e prokurorit të shtetit Valdet Avdiu, dhe të akuzuarit, të njejtën ditë muarr, kurse me datën 04.12.2019 me shkrim përpiloi këtë:

## AKTGJYKIM

**I akuzuari, R.H** nga fshati ... komuna e Ferizajt, i lindur me ... në fshatin ... të Ferizajt, nga i ati Sh... dhe e ëma N... e gjinisë J..., ka të kryer shkollën fillore, i martuar baba i 4(katër)fëmijëve , i pa punë, i gjendjes së varfër ekonomike, me nr.personal ..., shqiptar, shtetas i Republikës së Kosovës,

## **ËSHTË FAJTOR**

Sepse me datën 13.07.2018 rreth orës 16:00 në Pyllin publik të cilin e menaxhon Drejtoria për Bujqësi, Pylltari dhe Zhvillim Rural- zyra në Ferizaj, në Rajonin Ekonomiko – Pyjor në fshatin Neredime – Jezerc, në vendin e quajtur “Rr...” me qëllim vjedhje, me sharrë motorike, ka prerë 1 copë trungje dru ahu të njomë boniteti III, me diametër 65 cm, në vëllim prej 3.63/m<sup>3</sup> dhe në vlerë të dëmit të shkaktuar në shumën prej 490.05 euro.-

**Me të cilën ka kryer veprën penale vjedhja e pyllit nga neni 358 par.1 të KPRK-së.**

Gjykata, në kuptim të nenit 358 par.1 të KPRK-së dhe nenit 4,11, 17, 41,51,73 të KPRK-së, si dhe nenit 365 të KPPRK-së, e

## **G J Y K O N**

### **ME DËNIM ME KUSHT**

**I vërtetohet dënimi me burg në kohëzgjatje prej 4 (katër) muajve, i cili dënim nuk do të ekzekutohet nëse i akuzuari nuk kryen veprë tjetër penale në periudhën prej 1(një) viti pasi që aktgjykimi të merr formën e prerë.**

Obligohet i akuzuari që të damturit DBPZHR zyra në Ferizaj në emër të kompensimit të damit të i paguaj shumën prej 490.05 €, në afatin prej 15 ditësh pasi që aktgjykimi të merr formën e prerë nën kërcënimin e ekzekutimit me dhunë.

Obligohet i akuzuari R.H, që në emër të shpenzimeve të paushallit gjyqsor të paguaj kësaj gjykate shumën prej 20 /njëzet/ Euro, në afatin prej 15 ditësh pasi që aktgjykimi të merr formën e prerë nën kërcënimin e ekzekutimit me dhunë.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarimit të dhunshëm.

## Arsyetimi

PTH në Ferizaj sipas aktakuzës së PTH-së në Ferizaj PP/II nr. 1518-9/18 të datës 30.07.2018 ka akuzuar R.H nga fshati ... komuna e Ferizajt , për shkak të veprës penale vjedhja e pyllit nga neni 358 par.1 të KPRK-së,

Gjykata duke vepruar në këtë çështje penale mbajti shqyrtimin fillestar gjyqësor me dt. 03.12.2019 në të cilën përfaqësuesi i akuzës - prokurori i shtetit Valdet Avdiu, lexoj aktin akuzues, dhe gjyqtari pasi që u bind se i pandehuri e ka kuptuar akuzën konform nenit 246 të KPPRK-së, të pandehurit i ofroj mundësinë të pranoj fajësinë ose të deklarohet i pafajshëm.

I akuzuari R.H në shqyrtimin fillestar gjyqësor ka deklaruar se e pranon fajësinë për veprën penale e cila i vihet në barrë.

Gjykata konstatoi se janë plotësuar kriteret nga neni 248 të KPPRK-së, meqë i akuzuari ka kuptuar natyrën dhe pasojat e pranimin të fajësisë, një pranim i tillë është bërë vullnetarisht edhe pas udhëzimeve të gjyqtarit konform nenit 383 par.2 të KPPK-së dhe mbështet në faktet dhe provat e kësaj çështje penale siç janë: Procesverbali i DBPZHR zyra në Ferizaj nr.278/2018 e datës 16.07.2018, si dhe Fletparaqitja e Rojës së pyllit 278/18 dt.16.07.2018, akuza nuk përmban shkelje të qartë ligjore ose gabim faktik, andaj shqyrtimi gjyqësor konform nenit 246 të KPPK-së, ka vazhduar pa fjalën përfundimtare të palëve.

Vlerësuar nga aspekti juridik gjykata gjeti se në veprimet e të akuzuarit manifestohen të gjitha elementet e veprës penale vjedhja e pyllit nga neni 358 par.1 të KPRK-së, të kryer në mënyrën dhe rrethanat e përshkruara si në dispozitiv të këtij aktgjykimi.

Përfaqësuesit juridik i të dëmtuarës DBPZHR- zyra në Ferizaj në emër të kërkesës pasuroro – juridike kompensimin e dëmit në shumën prej 490.05 € gjykata e ka obliguar të pandehurin për kompensim dëmi.

Me rastin e caktimit të llojit dhe lartësisë së dënimit gjykata pati parasysh të gjitha rrethanat të cilat në kuptim të neni 73 të KPPRK-së ndikojnë në përcaktimin e llojit dhe lartësisë së dënimit. Gjykata të akuzuarit si rrethana lehtësuese i mori parasysh pranimin e

fajësisë, është i martuar me katër fëmijëve, pa kurrëfar të ardhurash, si dhe gjendjen shumë të varfër ekonomike të akuzuarit, i ka premtuar gjykatës se në të ardhmen nuk do të kryej veprë penale. Ndërsa, rrethana veçanërisht rënduese gjykata nuk gjeti. Gjykata, të pandehurit i shqiptoj një dënim të kushtëzuar duke marrë parasysh shkallën e përgjegjësisë penale, rrethanave të kryerjes së veprës nga neni 51 i KPRK-së, me të cilin dënim do të arrihet qëllimi ndëshkues në kuptim të preventivës speciale dhe asaj gjenerale i paraparë me neni 41 të KPRK-së.

Konform neni 463 par.1 të KPPRK-së, gjykata të pandehurin e ka obliguar që të dëmtuarës DBPZHR- zyra në Ferizaj në emër të kërkesës pasuroro – juridike të ia kompensoj dëmin e shkaktuar në shumën prej 490.05 €, në afat prej 15 ditësh pasi që aktgjykimi të merr formën e prerë nën kërcënimin e ezekutimit me dhunë.

Në bazë të neni 450 dhe 451 të KPPK-së, gjykata të akuzuarin e obligoi që të paguaj paushallin gjyqësor në shumën prej 20 €, në afat prej 15 ditësh nga dita e plotfuqishmërisë së këtij aktgjykimi, nën kërcënim të përbarimit me dhunë.

Konform neni 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përbarimit të dhunshëm.

Në bazë të së theksuarës më lartë u vendos si në dispozitiv të këtij aktgjykimi.

**GJYKATA THEMELORE NË FERIZAJ**  
**P nr.1019/18 dt.03.12.2019**

**Sek.juridike**  
**Igballe Arifi**

**Gjyqtari,**  
**Elmaz Zenuni**

**KËSHILLA JURIDIKE**

Kundër këtij aktgjykimi është e lejuar ankesa,  
në afat prej 15 ditëve nga dita e pranimit Gjykatës së Apelit në Prishtinë.  
Ankesa dorzohet nëpërmes të kësaj gjykate.